



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Diabolos in ore habentium imprecatio quàm mala & noxia?

urn:nbn:de:hbz:466:1-45701

quam adeò odit, vt castissimam Virginem, & quouis lilio priorem, vocârit *meretricem*. Videtis discrimen Dñi & diaboli? Ille Matrem suam honorat; iste honorem illius fauciatur. Et vel discite discrimen eorum, qui Deo, aut qui diabolo seruiuntur. Omnes Dñi amici, amant, honorant, venerantur Dñi Matrem: hostes Dñi, sunt etiam hostes Matris Dñi. Sed quod maximè ex hac historia est discendum, monuit Canisius, qui Oetingæ in insacello, expulso dñmone, grauem habuit ad populum exhortationem, in qua ostendit, Dñs non injustum fuisse, dum puellam nouem annorum, castam, pudicam, B. Virginis deuotam, nobilem, & hominibus charam, permisit à tam tetro hospite occupari, per 8. annos, &, maximè sub finem, dirissimè etiam cruciari. Quid eam fecisse putatis? In ea concione palam, ipsa præsente puella, caussam edixit: nempe illam alioquin, sicut ab alijs audierat, temerè erupisse dixisseque: *Si non est verum, quod dico, diabolus me rapiat.* Nam quām primū hoc dixit, diabolus cum alijs tribus illam inuasit. Cūm 12. pōstea esset annorum, alijs adhuc tres accesserunt.

V I.

Matth. 12. 34.

Hic mihi, Auditores exemplum acceipite, hic mihi veniam date, si ego hodie non vnum, non septem, sed septem millia ejcio dæmoniorum. Nam quid visitatus, quām vt diabolus quām plurimis sit in ore? &, si ex abundantia cordis os loquitur, etiam in corde diabolos loquentium diaboli nidulabuntur. Ergo ex corde & ore vestro illos ejciam. Si quis computet, quoties vno anno, vno mense, hebdomade, die, diabolum nominet, imprecetur sibi & alijs; immò sāpe mille diabolos: quantè diabolorum legiones colligentur ab vno? Quid si jam tota domus, & mille homines hanc habeant consuetudinem? Quot diabolis vrbs implebitur? Angelis vrbs esset tradenda; citari diabolus non debet, est impudens, vltro venit, quod si etiam vocatur, potestatem accipit veniendi largiorem. Si in oculo tuo festucam sentis, si in pede spinam impressisti; si in ore malum dentem geris, vis vtique extrahi, ejciique. An non deterior in corde & ore dñmon? an non patieris hunc exturbari tibi? Agyta sāpe equinum stercus rusticis in os ingerunt; quām citò illud egeritur? Immundus spiritus longè immundior est omni immunditia, cur ergo

ergo cum toties ore voluis? & illo, quo C H R I S T V M suscipis
ore. In inferno est habitatio illius; & quantum laboratur, ut
ex homine expellatur? tu autem eum vltro accersis? Immò tuis
seruis, filijs, vxori, marito; immò tibi ipsi imprecari? Scis, quid
sit imprecati, ut diabolus aliquem rapiat? Si imprecateris mor-
bum, si paupertatem, si vulnera, si fracturam ossis, si mortem
ipsam, nihil est comparatione huius: nam quem diabolus rapit,
& sauciat vnguibus, & spoliat, & valetudine, & vita priuat; de-
nique flammis æternis addicit. Cur tantum te ipsum odisti, vt
talia imprecari tibi? immò quid vel inimicissimus tam atrox
potest perpetrare, vt tantis velis supplicijs compensare? Quan-
tum displiceat DEO, patet exemplis, nam si mitissime punit, im-
mittit tales tortores. Innocens puella, semel jurauit, forte quia
ita à parentibus audiuit: & ecce propter parentes septies illam
à dæmone torqueri permittit DAvs; & in illam immittit tales
tortores. Putas, vllum carnificem tam esse crudelem? Quid con-
tinget illis, qui non semel, non innocentes, sed fœdi, millies sibi,
alijsque diabolum imprecantur? O qualis eorum tortura erit
in inferno; si sic, cùm parcit & miseretur DAvs, diras has punit
in hoc mundo? Iuvate me parentes, vos meliore exemplo præ-
mite; tum filios, seruos, ancillas acriter increpate diabolum
imprecantes. Olim non nominabatur expressè, sed generali voce
Malus vocabatur, si aliquid coram liberis de eo fuerat lo-
quendum; hæc, obsecro, consuetudo reducatur. Eius autem
loco dulcissimum nomen I E S V sæpe inuocetur, vt insuelca-
mus, in agone mortis id nominare & inuocare, quod in vita
sæpius usurpauimus. Multi auditi sunt, morientes dæmonem
inuocare. Hæc exempla nos moueant, vt sapiamus; ne os
fœteat instar sepulchri patentis, & instar Acherontis.

Idcircò exempla fiunt, vt alij cauere discant
malo alieno.

